



SURAT EDARAN PENTADBIRAN
BILANGAN 13 TAHUN 2014

PEMAKLUMAN PELAKSANAAN PROGRAM
HARI TANPA BEG PLASTIK PADA SETIAP HARI
JUMAAT DAN SABTU PERINGKAT
NEGERI MELAKA

Pejabat Pendaftar
9 April 2014

Disalinkan kepada:

Naib Canselor
Timbalan Naib Canselor (Akademik & Antarabangsa)
Timbalan Naib Canselor (Penyelidikan & Inovasi)
Timbalan Naib Canselor (Hal Ehwal Pelajar & Alumni)
Pegawai-Pegawai Kanan

SURAT EDARAN PENTADBIRAN BIL. 13/2014

PEMAKLUMAN PELAKSANAAN PROGRAM HARI TANPA BEG PLASTIK PADA SETIAP HARI JUMAAT DAN SABTU PERINGKAT NEGERI MELAKA

Surat Edaran Pentadbiran ini bertujuan untuk memaklumkan kepada semua staf Universiti Teknikal Malaysia Melaka (UTeM) mengenai pelaksanaan Program Hari Tanpa Beg Plastik Pada Setiap Hari Jumaat Dan Sabtu Peringkat Negeri Melaka.

2.0 Adalah dimaklumkan Perbadanan Teknologi Hijau Melaka menerusi surat bernombor rujukan PTHM 900-3(36) bertarikh 14 Mac 2014 telah memaklumkan berkenaan keputusan Majlis Mesyuarat Kerajaan Negeri (MMKN) yang bersidang pada 26 Februari 2014 telah meluluskan pelaksanaan Hari Tanpa Beg Plastik pada setiap hari Jumaat dan Sabtu peringkat Negeri Melaka bermula **1 April 2014**.

3.0 Pelaksanaan Hari Tanpa Beg Plastik peringkat Negeri Melaka telah dijalankan pada setiap hari Sabtu sejak 1 Januari 2011. Orang ramai tidak digalakkan untuk menggunakan beg plastik terutamanya ketika membeli-belah di pasar raya-pasar raya. Walau bagaimanapun, caj RM 0.20 akan dikenakan kepada pelanggan sekiranya masih terdapat permintaan untuk menggunakan beg plastik pada hari tersebut.

4.0 Sehubungan dengan itu, Kerajaan Negeri Melaka telah meluluskan agar setiap hari Jumaat dan Sabtu pada Hari Tanpa Beg Plastik sebagai inisiatif untuk mengurangkan pencemaran alam sekitar selari dengan kehendak Kerajaan Malaysia demi pemeliharaan alam sekitar. Selain itu, semua pihak yang bertanggungjawab dinasihatkan agar menggunakan beg bioplastik atau beg kertas sebagai alternatif lain bagi menggantikan penggunaan beg plastik pada hari tersebut.

5.0 Sehubungan dengan itu, semua staf Universiti adalah diharapkan untuk turut serta menyokong pelaksanaan Program Hari Tanpa Beg Plastik pada setiap Hari Jumaat dan Sabtu demi kebaikan bersama.

Sekian, harap maklum.

“KOMPETENSI TERAS KEGEMILANGAN”

Saya yang menurut perintah,



DATUK HASAN BIN SIRUN

Pendaftar

Universiti Teknikal Malaysia Melaka

/nhab